

TE KURA KAUPAPA MĀORI O WAIRARAPA

# TE PŪTĀTARA



MŌHENI #5 WIKI 4, WĀHANGA 1 2021

"Ruia te taitea, kohia te rangiura"

**Kōrero Māori**

**Tiaki ngā rawa**

**Manaaki tangata**

**Tautokohia te ako o  
tētahi atu**

# HE KŌRERO NĀ TE TUMUAKI



Nau mai hoki mai ki te kura e te whānau - he nui aku mihi mahana ki a tātou katoa. Kua tino rawe te tīmatanga o tō tātou tau hou - kua hari, kua koa a tātou tamariki, a tātou kaiako anō hoki.


I te mutunga o Kohitātea i hui tahi ai te Poari o tō tātou kura me ngā kaiako ki te whakahou i tō tātou Tūtohinga, te Rautaki Ahu Whakamua me ngā whāinga hei whakatutuki a te tau nei. Ki te hiahia koe ki te mōhio he aha a tātou whāinga, ngā mahi ki mua i te aroaro i tēnei tau, haere mai kia noho taki tahi ai tāua.

Kua whakaritea e mātou he tikanga, he tukanga hou mō te tau nei - hei te wā o te kai tīna ka tākaro a tātou tamariki i te tuatahi, kātahi ka kai rātou a te 1 karaka. Ka mutu te kai, kua hoki tōtika atu rātou ki te akomanga. Tae atu ki te mutunga o te wāhanga nei ka whai atu tātou i tētahi kaupapa kori, he kaupapa puāio i ngā ata o ia Rāmere (hāunga te 26 o Huitānguru) ki te taha o Prekura Onekawa - ki te hiahia koe kia mahi tahi me tāu tamaiti, āu tamariki, tēnā nau mai, haere mai. Heoi, ka waiho aku kōrero i reira - kia mōhio mai koutou kua tūwhera te kuaha...

Nā whaea Pip



# HE PĀNUI



SUMMER  
uniform...



## HAERENGA

**Tomorrow, Friday 26th February**

We will depart kura at 10.15am by bus.

Your child must have some kai for wā moko and wā tina and a bottle of water, water is very important especially if it is a hot day.

All classes will be back at kura by 2.45pm.

Term 1 is summer uniform please contact the tari if you have questions about uniform.

## SWIMMING

We're so lucky to have a school pool unlike many other schools, so please continue to send

your childs swimming togs to kura each day  
nga mihi



## HAERENGA

Golden Shears  
Thursday  
4th March



## Te Pahi

Kia ora whānau.  
Please don't forget to keep in contact with whaea Te Paea about your bus needs and any day to day changes for your tamariki, ngā mihi.

MASTERTON  
SHUTTLES  
**027 961 3973**  
**06 377 1923**

# WĀTAKA - WĀHANGA 1, 2021

	Rāhina	Rātū	Rāapa	Rāpare	Rāmere	Rāhoroi	Rātapu
Wiki 4	22/2	23/2	24/2	25/2	26/2 HAERENGA: Wings Over Wairarapa yr1-13	27/2	28/2
Wiki 5	1/3	2/3	3/3	4/3 HAERENGA: Golden Shears	5/3 HAERENGA: Kiorahi @ Riversdale yrs5-7	6/3	7/3
Wiki 6	8/3 <b>PARENT &amp; TEACHER HUI</b> Yr. 7 vaccinations	9/3 <b>PARENT &amp; TEACHER HUI</b>	10/3	11/3	12/3	13/3	14/3
Wiki 7	15/3	16/3	17/3	18/3	19/3	20/3	21/3
Wiki 8	22/3	23/3	24/3	25/3	26/3	27/3 LA Kapa Haka Pēpē Ora Expo 11am-11.30	28/3
Wiki 9	29/3	30/3	31/3	1/4 <b>TEACHER ONLY DAY</b>	2/4 <b>Good Friday</b>	3/4	4/4
Wiki 10	5/4 <b>Easter Monday</b>	6/4 <b>Easter Tuesday</b>	7/4	8/4	9/4	10/4	11/4
Wiki 11	12/4	13/4	14/4	15/4	16/4 <b>HUI WHAKAMANA</b> Last Day Term 1	17/4	18/4

He mea ano:

---



---



---



---

# KURA NOHINOHI

Tēna koutou katoa e ngā whānau,

Kua tīmata pai ngā mahi i tēnei wāhanga ki roto i te akomanga o Kura Nohinohi. He pakpaku ngā tamariki, tekau noa iho ki roto i te akomanga i tēnei wā. Ahakaoa iti, he pounamu.

Harikoa ana te ngākau i te mahana o ngā rā kua hora nei. He mīharo ngā akoranga kauhoe. He tino kaha o mātou tamariki ki te kaukau i ēnei rā mahana.

Ko te kaupapa ako i tēnei wāhanga, ā, Ko te Kai ā te Rangatira, ko te kōrero. E ako ana mātou i te pepehā. Kei te ako tātou ki te tuku i te pepehā. I te mutunga o tēnei wāhanga ka tū ngā manu kōrero ki roto i te akomanga. Ka tū ngā tamariki ki te tuku i te pepehā.

He mihi tēnei ki a koutou ngā whānau e tautoko i ngā kaupapa ako. Ia rua wiki ka haere tātou ki te whare pukapuka ki te tāone, ki te tiki ētahi pukapuka me te pānui tahi ki te taha o Whaea Georgia-May.

He paku pānui ki a koutou, ā te wiki tuaono ka tū ngā uiui mātua. Kia kaha tonu mai ki te whakahoki i te wā pai kia koutou ki te haramai.

Nō reira, ngā manaakitanga o te runga rawa ki a koutou Nāku nā Whaea Hubba & Whaea Tahi.



# KURA TEINA

Tēnā koutou te whānau!  
Nau mai hoki mai mo te tau 2021!  
Tino mīharo te timatanga o te tau mo te kura teina, ko tēnei te akomanga mo ngā tau 2, 3, 4, ā, 26 ngā tauira i roto nei. Tino waimarie mātou kua uru mai a whaea Edith Rolls i roto nei mo ngā ata, he kaiako rawe ia. Ā, i ngā ahiahi ka uru mai a matua Ben. I ngā Rātū ka uru mai a matua Wake hoki. He mea pai tēnei mo ngā tama ki te mahitahi ki te taha o ēnei tane!

Tumeke!

I tēnei wāhanga ka haere mātou ki te whare pukapuka ia Rāapa, he pai tēnei ki te tautoko i o rātou mahi pānui, nō reira he mihi nui kia whaea Georgia May, nāna i tiaki mai ia a mātou i reira.

Hīkaka ana ahau mo te mahi M3 Pūāio, Orite tēnei mahi ki te momo Yoga. Ko matua Jase Te Patu, raua ko whaea Parehuia Onekawa i tae mai ia Rāmere ki te tautoko i a mātou i roto i tēnei mahi, he mahi whakatā, he mahi whai whakaaro, he mahi toro atu, piko mai hoki. He rawe!

Ko te tumanako ka kitea i a koutou katoa i te wā huihui matua.

Ngā mihi aroha  
whaea Kiri



# KURA WAENGA


Kei aku manu taki, aku manu taiko tēnā koutou katoa. Ngā tauira hou o roto i a Kura Waenga nau mai, piki mai.

Kei te hari, kei te koa ngā tamariki te hoki mai ki te kura i tēnei tau hou. He maha ngā mani kua mahia e Kura Waenga i ngā wiki e whā kua pahure ake e pā ana ki te kaupapa ako o tēnei Wāhanga, arā, 'Ko te Kai a Te Rangatira he kōrero'. I hanga ngā ākonga i a rātou Korowai me te whakairi ake a raāou pepehā ki runga i a rātou Korowai.

Miharo ngā mahi toi a tēnei rōpū.



nau mai  
hoki mai  
2021



# WHAREKURA

Tērā ia te kōrero nui i whakapepehatia rā e kui mā, a koro mā e mea ana "**Anō te pai me te āhuareka o te noho tahi a te teina me te tuakana.**" I whaikiko ēnei kupu kōrero i te aonga mai o te wiki tuatahi o te kura, arā, i whai wāhi atu rā mātou o Te Wharekura o Wairarapa ki te karore, ki te kāewaewa, otirā ki te puta tahi ki ngā āpitihanga hou o te wharekura i tēnei tau, arā, ki ngā tau 8.

Kāore hoki i ārikarika ngā putanga me ngā āhuatanga ngahau, hei whakahoki, hei whakawhenua anō i ā tātou tauira ki te kura, ki te ahurea whakaoti mahi, ki te ahurea taringa kore ki ō rātou kaiako.


Koia ēnei ko ngā putanga o taua wiki rā:

Rātū - Wairarapa

Rāapa - Te Whanganui-aTara

Rāpare - Te Papaīoea

Rāmere - Pūkaha



# **NGĀ POU RANGATIRA O WHAREKURA**

*Pou hihiri  
Pou rarama  
Pou o te whakaaro  
Pou o te tangata  
Pou o te aroha  
ngā Pou e here nei i a tatau katoa,  
Haumi e, Hui e, Taiki e!*

E rima ngā pou kua whakarangatira i ētahi o ngā ākonga o te wharekura. Kua tīpako ngā tau tekau mā tahi ki te tekau mā toru kia whakatinana i ngā paerewa o ēnei pou.



**Ngā Pou Aho Matua**  
Ko Rarauia rāua ko  
Hinewhakaruhiakiterangi



**Ngā Pou Tautoko**  
Kawana rāua ko Taurawhero



**Ngā Pou Manaaki**  
Ko Anahera rātou  
ko Matariki ko Judith



**Ngā Pou Kapa Haka**  
Ko Logan rātou ko Kaia  
ko Hinemaia



**Ngā Pou Hākinakina**  
Ko Tommy rāua ko Matua



# HĀKINAKINA



## HE PITOPITO KŌRERO

Āuē Taukuri E!! Kātahi rā te tau nei kia tīmata, kua hoki pakari mai ngā mahi hākinakina. Te maha hoki o ngā kaupapa hākinakina kei mua i a tātou i tēnei wahanga. Arå, ko te mahi kaukau, te poirewa, te poitarawhitit, te tīpōro me te pōro mod, poiuka otirā ko te Ki o Rahi ki Whareama. Ko te manako kua rite ngā tinana mō ēnei momo kēmū kia tutuki pai ai tēnei wahanga nei.

## KI O RAHI - WHAREAMA RIVERSDALE BEACH

Hei te Rāmere te tuarima o Poutu-Te-Rangi ka tū anō te whakataetae Ki o Rahi ki Whareama. Mihinui ki ngā ākonga e kaha hiahia ana te uru atu ki tēnei o ngā kēmū. He kaupapa motuhake tēnei mā tātou



## NGĀ RANGI TĪMATA MŌ NGĀ HAKINAKINA O TE WAHANGA TUATAHI

- 26/02/2021- Poiuka Tau 6-8
- 22/02/2021-Kiwi Volleyball Tau 3-6
- 22/02/2021-Intermediate Volleyball
- 27/02/2021-Tīporo Tau 1-2
- 27/02/2021-Modified Softball Tau 3-4
- 05/03/2021 Ki o Rahi - Tau 5 ki te 8
- 17/03/2021-Masterton Swim Champs
- 24/03/2021-Wairarapa Swim Champs
- 04/04/2021-Tapu Ae Tau 3-4
- 07/03/2021-Rippa Rugby

# Tutaki

TE KAIAKO...

## WHAEA GERALDINE CARROLL

More well known as whaea Hubba she teaches our Kura Nohinohi class year 1...

Kia ora Koutou, Ko wai ahau? Nō Ngāti Hine, nō te awa o Whanganui , nō Ngāti kahungunu, nō Rangitāne ahau, i tipu ake ahau ki te Wairarapa. Tokowhā aku tama, e rua aku mokopuna, tētahi ka tae mai i te marama e heke mai nei.

E ngākaunui ana ki au, i te koiri, me te tākaro poitūkohu. Kua tū au hei kaiako mo ngā tau e 8, he pai taku mahi ki ahau. I tīmata au ki Te Kura, ā, i wehe ahau ki Solway Primary, ā, i tērā tau i hoki mai ahau. Ko te kaupapa me ngā tamariki te take. Nō reira tēna koutou katoa x

